

PRAVILA PRIVATNOSTI

Kontrolor podataka: Registar vrijednosnih papira u FBiH d.d. Sarajevo

Adresa: ulica Maršala Tita broj 62/II

Kontakt: +387(0) 33 279-150

Fax: +387(0) 33 279-151

Cilj Pravila privatnosti

Cilj Pravila privatnosti Registra vrijednosnih papira u FBiH d.d. Sarajevo (u daljem tekstu: Registar) je da, u skladu sa članom 14. Zakona o zaštiti ličnih podataka Bosne i Hercegovine („Službeni glasnik BiH“ broj 12/25 od 28.02.2025. godine) (u daljem tekstu: Zakon), svim licima čiji se lični podaci obrađuju pruži jasne, potpune i transparentne informacije o načinu i svrsi te obrade.

Svrha i pravni osnov za obradu ličnih podataka

U skladu sa članom 2. tačka o) Zakona o tržištu vrijednosnih papira u Federaciji Bosne i Hercegovine („Službene novine FBiH“, broj 85/08, 109/12, 86/15 i 25/17) Registar je dioničko društvo koje vodi bazu podataka u kojoj se registrišu i čuvaju podaci o vrijednosnim papirima, te koji obavlja i druge poslove sa vrijednosnim papirima u skladu sa zakonom.

Registar obrađuje Vaše lične podatke u skladu sa članom 8. stav (1) tačka c) Zakona isključivo u svrhu izvršavanja svojih zakonom propisanih zadataka i ovlaštenja.

Ovi zadaci i ovlaštenja, između ostalog, obuhvataju poslove registracije, evidentiranja, čuvanja, održavanja i ažuriranja podataka o vrijednosnim papirima, kao i druge poslove propisane Zakonom o tržištu vrijednosnih papira u Federaciji Bosne i Hercegovine („Službene novine FBiH“, broj 85/08, 109/12, 86/15 i 25/17), Zakonom o Registru vrijednosnih papira („Službene novine FBiH“, broj 39/98, 36/99 i 33/04), te drugim važećim propisima i općim aktima Komisije za vrijednosne papire FBiH.

Koja su Vaša prava u vezi sa obradom ličnih podataka?

Vaša prava u skladu sa zakonom su:

- **Pravo na pristup svojim ličnim podacima**
- **Pravo na ispravku ličnih podataka**
- **Pravo na brisanje ličnih podataka**
- **Pravo na ograničenje obrade ličnih podataka**
- **Pravo na prenosivost ličnog podatka**
- **Pravo na prigovor**

Izuzeci za ostvarivanje prava na brisanje:

Pravo na brisanje se ne primjenjuje u slučajevima kada je obrada ličnih podataka neophodna radi ispunjavanja zakonskih obaveza Registra.

Prijenos ličnih podataka drugim kontrolorima

Registar vrijednosnih papira može dostavljati lične podatke drugim organima, institucijama i nadležnim tijelima kada je to neophodno radi izvršavanja njihovih zakonskih obaveza, kao i radi ispunjavanja zakonskih obaveza Registra.

Prijenos ličnih podataka se vrši i u skladu sa obavezama Registra propisanim Pravilnikom o objavljivanju informacija i izvještavanju na tržištu vrijednosnih papira („Službene novine Federacije BiH“, broj 99/22, 1/23, 12/23 i 100/23), te drugim važećim propisima.

Lične podatke mogu koristiti i pravna lica koja imaju status članova Registra, u skladu sa Zakonom o tržištu vrijednosnih papira i drugim relevantnim propisima, isključivo u svrhe i na način propisan zakonom.

Lični podaci se ne obrađuju niti prenose u svrhu direktnog marketinga.

Sigurnost ličnih podataka

U svom radu Registar primjenjuje tehničke i organizacijske sigurnosne mjere kojima se sprječava neovlašteni pristup ličnim podacima, neovlašćena upotreba ličnih podataka ili njihova nezakonita obrada.

Registar obrađuje lične podatke na način koji osigurava njihovu sigurnost i povjerljivost kao i odgovarajuću primjenu principa zakonite obrade ličnih podataka i smanjenje količine ličnih podataka, po principu neophodnosti.

U Registru su uspostavljene odgovarajuće organizacijske i tehničke mjere, definisane Planom sigurnosti podataka u Registru broj: 03-1931/23 od 23.02.2023. godine.

Vremenski period čuvanja ličnih podataka

Lični podaci se čuvaju onoliko dugo koliko je potrebno za ostvarenje svrhe njihove obrade. Nakon prestanka svrhe obrade, podaci se arhiviraju i čuvaju u skladu sa propisima o arhivskoj građi i arhivskom poslovanju.

Promjene Pravila privatnosti

Registar će redovno ažurirati Pravila privatnosti kako bi ista sadržavala tačne informacije. O svim izmjenama i dopunama bit će blagovremeno obaviještenje, u skladu sa principom transparentnosti.

Podaci o službeniku za zaštitu ličnih podataka

Kontakt tel: 033/279-150, 033/279-176, Email: sluzbeniklp@rvp.ba